



Na osnovu člana 69. stav 2. e) i 70. st. 1. 4. i 6. Zakona o javnim nabavkama („Sl. glasnik BiH“, broj 39/14), u pregovaračkom postupku bez objave obavještenja za nabavku i sukcesivnu isporuku prehrambenih i poljoprivrednih proizvoda za potrebe Gradske narodne kuhinje u Zenici, Gradonačelnik donosi:

ODLUKU
o poništenju postupka javne nabavke

Član 1.

Poništava se pregovarački postupak bez objave obavještenja za nabavku i sukcesivnu isporuku prehrambenih i poljoprivrednih proizvoda za potrebe Gradske narodne kuhinje u Zenici, iz razloga što su cijene prihvatljivih ponuda znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-16184/22 od 29.07.2022. godine. Tenderska dokumentacija je objavljena dana 09.08.2022. godine na internetskoj stranici Grada Zenica.

U pretkvalifikacionoj fazi, u ostavljenom roku za prijem zahtjeva za učešće, ugovorni organ je zaprimio četiri zahtjeva za učešće i to:

1. „BOSNA-KOM“ d.o.o. Gračanica
2. „ROBOT GENERAL TRADING CO“ d.o.o. Sarajevo
3. „DŽANANOVIĆ TRANSPORT“ d.o.o. Zenica
4. TD „NOVA TRGOVINA-S“ d.o.o. Kakanj

Ponuđač „ROBOT GENERAL TRADING CO“ d.o.o. Sarajevo nije dostavio spisak izvršenih ugovora izdat od strane ponuđača, kako je zahtjevano tačkom 4. i tačkom 6. tenderske dokumentacije, stoga se isti nije kvalifikovao za dalju fazu postupka.

U ponudi ponuđača „DŽANANOVIĆ TRANSPORT“ d.o.o. Zenica, izjave po čl. 45 i čl. 52 Zakona o javnim nabavkama potpisao je Ajdin Đananović. Uvidom u Aktuelni izvod iz sudskog registra utvrđeno je da isti nije ovlašteno lice ponuđača za potpisivanje datih izjava, niti je dostavljena punomoć za potpisivanje. Shodno navedenom ponuđač ne ispunjava uslove tenderske dokumentacije, te se nije kvalifikovao za dalju fazu postupka.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuđači "BOSNA-KOM" d.o.o. Gračanica i TD „NOVA TRGOVINA-S“ d.o.o. Kakanj su se kvalifikovali za dalji tok postupka, te su im dostavljeni pozivi za dostavu početnih ponuda dana 22.08.2022. godine.

U ostavljenom roku za dostavu početnih ponuda Ugovorni organ je zaprimio dvije početne ponude ponuđača "BOSNA-KOM" d.o.o. Gračanica i TD „NOVA TRGOVINA-S“ d.o.o. Kakanj, sa kojima su održani pregovori dana 24.08.2022. godine i upućeni zahtjevi za dostavu konačnih ponuda.

Javno otvaranje konačnih ponuda održano je dana 25.08.2022. godine u 11:00 sati u prostorijama Grada Zenica, Sala za vjenčanje. U dostavljenim konačnim ponudama ponuđači su ponudili ukupnu cijenu kako slijedi:

TD „NOVA TRGOVINA-S“ d.o.o. Kakanj u vrijednosti od 228.934,96 KM bez PDV-a,
„BOSNA-KOM“ d.o.o. Gračanica u vrijednosti od 291.789,22 KM bez PDV-a.

Ponude ponuđača "BOSNA-KOM" d.o.o. Gračanica i TD „NOVA TRGOVINA-S“ d.o.o. Kakanj ispunjavaju uslove propisane tenderskom dokumentacijom, a što je detaljno obrazloženo u Zapisniku komisije o ocjeni ponuda broj: 11-11-16184-19/22 od 22.08.2022. godine i Zapisniku o ocjeni konačnih ponuda broj: 11-11-16184-26/22 od 31.08.2022. godine.

Prilikom analize dostavljenih konačnih ponuda utvrđene su greške računске prirode u ponudi ponuđača TD „NOVA TRGOVINA-S“ d.o.o. Kakanj koji je nakon zahtjeva za potvrdom računskih grešaka iste potvrdio dana 31.08.2022. godine, te njegova cijena ponude nakon ispravki iznosi 253.934,96 KM bez PDV-a.

Procijenjena vrijednost za predmetnu nabavku iznosila je 210.000,00 KM bez PDV-a.

Cijene svih prihvatljivih ponuda znatno su veće od osiguranih sredstava za predmetnu nabavku, stoga Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-16184-3/22

Datum: 01.09.2022. godine

DOSTAVLJENO:

- 4 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a

